

8. *Secunda conclusio.* — Dico secundo: unam accidens vere potest exercere causalitatem materialem, respectu alterius sibi proportionati. Hæc assertio sequitur ex priori, nam subjectum recipiens in se formam, propriam causalitatem materialem exercet erga illam; sed unum accidens est proximum subjectum recipiens in se aliud accidens; ergo. Secundo, quia accidens, quod in alio recipitur, pendet ab eo in esse et fieri; et non ut ab efficiente, formaliter ac præcise loquendo ex vi receptionis, quæ interdum potest re ipsa separari ab effectione, ut patet in quantitate, quæ non facit albedinem, quam in se recipit; unde albedo non pendet ab illa, media actione, sed media unione et inhæsione; pertinet ergo illa dependentia ad materialem causalitatem. Tertio, accidens, quod alteri inhæret, est forma ejus, unde actus vitales dicuntur actus secundi potentiarum, quia illas ultimo actuant et informant, et albedo denominat superficiem albam, ut informans illam; ergo, e converso, accidens recipiens aliud exercet materialem causalitatem circa illud.

9. *Quæstiuncula tractatur et resolvitur.* — Sed quæret aliquis, cum unum accidens causat aliud materialiter, an solum illud proxime concurrat in eo genere, vel etiam ipsum subjectum, aut aliquod aliud accidens. Respondent aliqui, quædam esse accidentia simplicia, id est, nec formaliter, nec identice composita ex variis entitatibus, ut est albedo, visio, etc.; alia vero composita ex variis entitatibus, quæ compositio nunquam reperiatur in accidentibus quæ propriam habent entitatem; nam, licet in eis esse possit compositio intensionis vel extensionis, hæc tamen in ordine ad subjectum comparatur per modum simplicis entitatis; in accidentibus autem quæ sunt modi rerum, interdum reperitur illa compositio; verbi gratia, præsentia localis panis non tantum est in quantitate, sed etiam in substantia panis, unde integra illa præsentia composita est ex præsentia substantiæ, et præsentia quantitatis. De prioribus ergo accidentibus, quando unum inest substantiæ, medio alio, aiunt materialem causalitatem per solum accidens proxime exerceri, et e converso unionem seu inhærentiam accidentis per se et immediate terminari ad solum accidens, ad subjectum vero alterius accidentis, non nisi remote, et quasi per accidens; nam, cum tale accidens sit simplex modus, aut simplex entitas, non potest immediate

uniri pluribus rebus: sic Ocham, 4, quæst. 4, ait accidens simplex non posse esse, nisi in subjecto æque simplici.

10. At vero, quando accidens est compositum modo explicato, adæquate est in subjecto composito; et ideo, licet secundum unam partem sit in altero accidente, secundum aliam esse potest immediate in substantia; atque ad hunc modum dici solet, quantitatem discretam esse in multis subjectis partialiter, de quo suo loco. Atque in hac posteriori parte non est in re difficultas, quamvis esse possit quæstio de nomine, an illud sit dicendum unum accidens, vel potius duo, cum in re sint ita distincta, ut possit unum sine alio manere; sicut de facto destructa fuit præsentia substantiæ panis, et mansit præsentia quantitatis, et potuisse etiam contrario modo fieri. Unde non est dubium quin illæ præsentiae sint in re distinctæ, et diversarum rationum. An vero propter aliqualem unionem dicendæ sint componere unam, nil interest ad rem præsentem, et videtur quæstio de modo loquendi.

11. De priori autem parte major dubitatio est, nam illud principium, quod accidens simplex in entitate sua non possit immediate et adæquate recipi in subjecto composito, neque est certum, neque videtur necessarium. Nam imprimis multi ita censem de omnibus accidentibus corporalibus, quod sint per se primo in composito substantiali, saltem quando ex unaque parte est materiale (quæ opinio ex hoc præcise, quod subjectum sit compositum, et forma accidentalis sit simplex, non involvit repugnantiam); ergo eadem ratione esse poterit in composito accidentalis. Item, interdum unum et idem accidens, vel accidentalis modus respicit duas res distinctas, ut modus unionis et respicit vel afficit rem quam unit, et rem cui unit; ergo similiter una entitas accidentalis potest per se primo respicere duas res, ut componentes unum adæquatum subjectum, verbi gratia, materiam et quantitatem, ut componunt hoc subjectum quantum. Denique in hoc nulla apparet intrinseca repugnatio. Existimo ergo ex hoc principio non posse generaliter definiri, quando unum accidens inest substantiæ mediante alio, an substantia ibi concurrat solum remote, vel etiam proxime, nec invenio aliud generale principium ex quo id possit universaliter expediri.

12. Quapropter respiciendum censeo ad naturam uniuscujusque accidentis, et ad effectum formalem ejus; nam, si effectus for-

malis accidentis ob specialem naturam suam non postulat immediatum concursum materialis substantiæ, verisimilius est substantiam tantum concurrere remote, et immediate solum inhærente unum accidens in alio, atque ita absolute affirmat Durandus, loco supra citato. Et ratio est, quia si illa causa proxima est sufficiens, superfluum erit aliam addere. Atque hoc modo existimo albedinem et similes qualitates inhærente quantitatibus, ita ut modulus inhærentia earum in sola quantitate proxime terminetur. Cujus signum optimum est, quia, sublata materia, et manente quantitate, conservatur eadem inhærentia. Neque est aliquid aliud signum, vel indicium, quod ad effectum formalem horum accidentium amplius requiri ostendat.

13. At vero, si est aliquod accidens quod ex suo speciali modo informandi requirat immediatam inhærentiam, non solum ad aliquam facultatem, sed etiam ad ipsam substantiam rei, non repugnat ita fieri. Hoc specialiter adverto propter actus vitales, verbi gratia, intellectus aut voluntatis, quos aliqui putant ita esse in facultatibus, ut ipsam etiam animæ vel Angeli substantiam immediate attingant propter intrinsecum modum afficiendi vitalis actus, et quia ita essentialiter est actus immanens, ut immediate afficiat totum principium intrinsecum, immediate in illum influens; hoc autem principium, ut hi auctores consequenter opinantur, non est sola potentia, sed ipsa etiam substantia Angeli vel animæ. Quæ sententia ex vi causalitatis materialis non repugnat, ejus tamen veritas alibi examinanda est. Atque eodem modo est probabile, quod in Theologia aliqui censem, habitus per se infusos, sicut simul concurrunt active cum potentias ad elicendos actus supernaturales, ita etiam concurrere materialiter ad recipiendos illos; hoc enim (si aliunde probetur necessarium, aut magis connaturale talibus actibus) non repugnat, ex eo quod potentia et habitus sunt res distinctæ, quia satis est quod uniantur et concurrant per modum unius integræ facultatis.

Responsio ad argumenta.

14. *Accidens an accidat accidenti.* — Fundamentum Gregorii non habet difficultatem; propositio enim Aristotelis, quod *accidens non accidat accidenti*, intelligenda est, ut *subjecto quod*, in priori sensu supra declarato. Quem sensum D. Thomas ibi indicat. Dici etiam posset, Aristotelem ibi non solum agere de

Quoniam causa materialis et formalis mutuam habitudinem inter se dicunt, ideo eadem methodo, qua de materia disserimus, dicemus prius de forma substantiali, et postea de accidentalis, nam quæ de forma in communis desiderari poterant, vel tacta sunt in disputatione de causis in communis, vel explicabuntur distinctius in singulis membris, quæ in illa ratione communis solum analogice convenient. Tractando autem de substantiali forma, complebimus ea quæ de materia prima in hunc locum remisimus, propter intrinsecam connexionem inter ipsam et formam. Supponendum est autem hic non esse sermonem de forma extrinseca, quam exemplarem vocant, de qua infra dicemus, quia ut sic magis habet rationem efficientis quam formæ. Neque etiam de forma separata, ut solet natura Angelica, aut immaterialis nominari, non propter causalitatem, sed propter actualitatem seu pulchritudinem; sed agimus de sola forma informante seu recepta in materia, quia illa est quæ propriam et specialem habet rationem cause. Rursus vero dividi solet forma in physicam et metaphysicam: prior est, quæ veram e realem causalitatem formæ exercet, et ideo de illa principalius dicendum

est. Quamvis enim physica forma dicatur, vel quia naturam rei principaliter constituit, vel quia per motum physicum principalius investigatur, priusque in scientia physica consideratur, non tamen est extra metaphysicam considerationem, tum quia ratio formae communis est et abstracta, tum etiam quia forma constituit essentiam, tum denique quia est una ex praecipuis causis. Quid autem per metaphysicam formam significetur, et quomodo hanc rationem causae participet, in fine hujus disputationis subjiciemus.

SECTIO I.

An dentur in rebus materialibus substantiales formæ.

1. Dubii rationes. — Ratio dubitandi est primo, quia formæ substanciales nullo experimento cognosci possunt, nec sunt necessariae ad omnes actiones et differentias rerum quas experimur; ergo non sunt sine causa introducendæ. Antecedens patet, quia ignis, verbi gratia, sufficienter intelligitur in suo esse constitutus, si concipiamus quamdam substancialm habentem perfectum et summum calorem cum siccitate conjunctum, etiam si substancialia, his accidentibus subjecta, sit simplex; et hoc etiam satis est ad omnem actionem ignis, quam experimur, et ad distinctionem inter ignem et aquam, et ad transmutationem unius in aliud, quæ in hoc videatur consistere, quod illa substancialia a summo frigore transit in summum calorem, et e converso. Hoc ergo satis est ad constitutionem, distinctionem, et actionem elementorum; idem ergo proportionaliter sufficit ad mistorum compositionem; hæc enim ex elementorum mistione procreantur.

2. Secundo involvi videtur repugnantia cum dicitur *forma informans*, et substancialis; nam vel est res subsistens, et nullo indigenis subjecto sustentante, vel illo indiget: si primum habeat, non potest esse forma informans, quia repugnat, id, quod subsistens est, in alio recipi. Si secundum habeat, est forma inhaerens; ergo accidentalis; non datur ergo substancialis forma.

3. Tertio, quia positis substancialibus formis, non potest intelligi quo modo fiant rerum transmutationes et generationes, nisi aliquid ex nihilo fiat, quod esse non potest juxta naturalia principia. Sequela patet, quia vel forma substancialis praexistit generationi, aut aliquid ejus, vel nihil. Primum dici non

potest, alias infinitæ formæ präexisterent in materia, et re ipsa nihil de novo fieret, sed appareret. Neque etiam potest dici secundum, tum quia in eadem parte materiæ non potest esse aliquid formæ, quin sit tota forma, cum indivisibilis sit; tum etiam quia, etiamsi pars formæ präsit, et pars inducenda sit, hæc pars fiet ex nihilo; non enim potest ex priori parte fieri; restat ergo, ut dicatur tertium, quod tamen repugnat, et excedit vim naturalium agentium.

4. Veteres philosophi formas substanciales nescivere. — In hac quæstione antiqui philosophi fere omnes ignorarunt formas substanciales, ut constat ex his quæ supra retulimus de eorum opinionibus circa materiam primam, vel primum subjectum transmutationum naturalium; cum enim existimaverint illud subjectum esse completem ens actu, non potuerunt substancialem formam agnoscere; nam forma substancialis, et materia prima, quæ sit pura potentia, quasi correlativa sunt. Nonnulli etiam e posterioribus philosophis, saltem in elementis, negarunt substanciales formas. Ita significat Alexander Aphrodiseus, 12 Metaphys., commento 12, quanquam ibi solum exempli causa, et secundum proportionem loqui videatur; et Philoponus, 2 de Gener., com. 7; et prius tenuit eamdem sententiam Galenus, lib. 1 de Element.; et antea idem sensit Empedocles, qui mistorum formas non negavit, sed elementorum, ut significat Aristoteles, 1 Phys., text. 51, et 2 Physic., text. 22.

Quæstionis resolutio.

5. Dicendum vero est, omnes res naturales seu corporeas constare forma substanciali (præter materiam), tanquam principio intrinseco et causa formalis. Hæc est sententia Aristotelis innumeris in locis, qui saepe reprehendit veteres philosophos quod, fere prætermissa substanciali forma, omnem inquisitionem circa materiam adhibuerint, ut constat ex toto lib. 1 Physic., et lib. 2, cap. 4, ubi formam perfectiorem naturam dicit esse, quam materiam. Idem habet lib. 1 de Partibus animalium, cap. 1, et 7 Metaph., cap. 4, et lib. 12, cap. 2, ubi vocat formam *hoc aliquid*, quia complet substancialam, quæ est hoc aliquid; et ibidem, præsertim lib. 7 Metaphys., vocat formam, *quod quid est*; et rationem reddit, quia ipsa est quæ constituit et distinguit rerum essentias. Præterea, lib. 2 de Anima, cap. 1, distinguit substancialam in materiam,

SECT. I. FORMANE SUBSTANTIALIS SIT.

ut cum illa componat substancialiam integrum ac per se unam, qualis est homo.

7. Prima vero consequentia probatur, supponendo sermonem esse de rebus naturalibus generabilibus et corruptibilibus, nam hæ sunt quoad hanc partem ejusdem ordinis cum homine, et inter eas potest esse transmutatio et vicissitudo; inde tamen facile concludetur a fortiori idem esse dicendum de incorruptibilibus corporibus, supposita sententia quam supra tractavimus de materia eorum. Hominis ergo compositio ex materia et forma substanciali ostendit esse in rebus naturalibus quoddam subjectum substancialie natura sua aptum, ut informetur actu aliquo substanciali; ergo tale subjectum imperfectum et incompletum est in genere substancialie; petit ergo semper esse sub aliquo actu substanciali. Hoc autem subjectum non est proprium hominis, sed in aliis etiam rebus naturalibus reperitur, ut per se notum est; unde et ad generationem hominis supponitur, et ad nutritionem, et post ejus corruptionem manet; ergo res omnes naturales, quæ illo subjecto seu materia constant, constant etiam substanciali forma actuante, et perficiente subjectum illud. Præterea, ex eadem hominis compositione colligitur, aggregationem plurium facultatum vel formarum accidentialium in simplici subjecto substanciali non satis esse ad constitutionem rei naturalis; nam in homine sunt illæ facultates, et formæ accidentales, plures fortasse ac perfectiores quam in aliis naturalibus rebus, et tamen non sufficiunt ad constitutionem alicujus naturalis entis completi, sed præterea requiritur forma quæ veluti präsit omnibus illis facultatibus et accidentibus, et sit fons omnium actionum, et naturalium motuum talis entis, et in qua tota illa varietas accidentium et potentiarum radicem et quamdam unitatem habeat; ergo eadem ratione in reliquis entibus naturalibus necessaria est aliqua forma substancialis distincta ab accidentibus, et intimior ac perfectior illis. Tertio, eodem exemplo constat generationem et corruptionem hominis substancialiem non consistere in acquisitione vel ammissione aliquorum accidentium, sed in unione vel disjunctione animæ rationalis substancialiter informantis corpus humanum, ad quam präparant accidentia quædam, quibus sublati, anima recedit, et homo corruptitur; ergo eodem modo intelligendum est fieri corruptionem et generationem aliorum entium naturalium. Nam, quantum experientia colligi

potest, idem modus est generationis et corruptionis in aliis rebus, qui est in homine, excepta differentia in perfectione et substantialia formae humanae, quam ex modo generationis et corruptionis non colligeremus, nisi aliunde nobis nota esset. Et propterea dicitur Ecclesiast. 3: *Unus interitus est hominis, et jumentorum, et aqua utriusque conditio, sicut moritur homo, ita et illa moriuntur*, etc. Denique omnia indicia et signa substantialis compositionis, quae in homine cogitari possunt, sunt in aliis entibus naturalibus, et praesertim in animalibus, ut ex sequente ratione constabit.

Substantialis formae indicia varia.

8. *Reductio alterati passi in pristinum statum.* — Secunda ergo ratio principialis sumitur ex variis indiciis, ortis ex accidentibus et operationibus entium naturalium, quae indicant latere sub illis formam substantialem. Primum cernitur etiam in elementis; nam si aqua, verbi gratia, calefiat, et postea removeatur agens, ab intrinseco reducitur ad pristinam frigiditatem, ut experimento constat; ergo signum est esse in aqua aliquod intimius principium, a quo iterum manat intensio frigoris, subiatis extrinsecis impedimentis; illud autem principium non potest esse nisi forma substantialis; ergo. Consequentia probatur, quia nullum potest esse extrinsecum principium illius eductionis, tum quia, si illa reductio esset ab extrinseco, non esset per se ac necessaria, sed ex accidente, prout extrinsecum agens casu occurreret; tum etiam quia, discurrendo per omnia principia extrinseca, quae communiter occurunt, nullum est a quo possit illa actio provenire, quia proxime solum occurrere solet aer circumstans, qui vel naturaliter non est tam fridus, sicut aqua, vel ex accidente relinqui solet aque calidus ac ipsa aqua; unde ipse etiam se reducit ad pristinum statum, quantum potest; remote vero solum interveniunt causae celestes et universales, quae ex se non sunt determinatae ad hujusmodi actionem, ut notum est.

9. *Variae talis reductionis causae refelluntur.* — Secundum vero antecedens, scilicet, nullam aliam causam intrinsecam illius actionis excogitari posse praeter ipsam aquae formam, probatur, nam quænam erit illa? Dicunt aliqui in quibusdam partibus aquæ semper manere intensum frigus, et ab illis partibus alias, quae calefactæ fuerunt, frige-

fieri, quod probabile censem Cajetan., 4 part., quæst. 54, art. 3; et tribuitur Averro, 2 de Anima, com. 1. Sed hoc frivolum est, et contra experientiam; sensu enim percipimus totam aquam infusam vasi alicui, esse valde calidam, quacunque ex parte attingatur; si autem essent aliquæ partes adeo frigidæ, vel perciperentur sensu, vel saltè temperarent in aliqua parte aquæ caloris sensum; neutrum autem fit. Est etiam contra rationem physicam, nam tota aqua secundum omnes suas partes est uniformiter difformiter applicata igni naturaliter agenti; ergo secundum omnes partes eodem modo patitur uniformiter; quid enim est quod posset, vel actionem illam impedire, vel ita interrumpere, ut in quibusdam partibus fieret, et non in aliis? Item, vel illæ partes, quæ frigus retinere dicuntur, possunt calefieri, vel non; si non, ergo neque corrupti poterunt; si vero possunt calefieri, ergo si tota aqua est sufficienter applicata igni, etiam illæ calefient, vel certe dari potest status in quo illa potentia reducatur in actu, et illo posito, adhuc illa aqua redetur ad pristinam frigiditatem remoto agente contrario, dummodo ad corruptionem aquæ perventum non sit.

10. Alii respondent, illam actionem non provenire ab aliquo principio distincto a frigiditate; semper enim manet frigiditas in aliquo gradu, et ipsam statim ac non impeditur, se revocat in pristinum statum. Possunt enim in ipsam frigiditatem duo distingui, scilicet, essentia, et modus intensionis; et essentia semper manet integra, etiamsi intension minuatur, ideoque potest ab eadem essentia modus intensionis manare. Sed hæc responsio etiam est falsa. Primo, quia non potest a qualitate remissa intensor gradus procedere, alioquin etiam aer sese efficeret summe calidum, et sic de omnibus aliis rebus. Secundo, quia sæpe contingit plures gradus caloris esse in aqua quam frigoris; ergo, etiam remoto extrinseco agente, non posset frigiditas vincere calorem intensem, quia nullo modo a subjecto juvaretur, cum sola materia de se indifferens sit ad utrumque accidens. Tertio, quia alias nunquam frigus et calor in gradibus remissis possent quieta manere in eodem subjecto, sed semper altera qualitas alteram expelleret, se perficiendo usque ad ultimam intensionem, quia ex parte subjecti (si solum esset materia prima) nullum esset impedimentum, et supponimus omnia alia extrinseca esse sublata.

11. *In elementis nullæ qualitates virtualiter primas continent.* — Alii tandem respondent¹, necessarium quidem esse aliud principium internum prius frigiditate, quod integrum maneat, etiamsi frigiditas remittatur, a quo illa reductio derivetur; negant tamen illud principium esse formam substantialem, nam ab illa non posset immediate provenire alteratio, sed dicunt esse qualitatem quamdam superioris rationis, virtute continentem primas qualitates sensibiles. Verumtamen hæc sententia duobus modis intelligi potest: primo, non negando formam substantialem, sed ponendo illam qualitatem virtualem, medium inter formam substantialem et primas qualitates sensibiles, et in hoc sensu non repugnat veritati, quam probare intendimus; enervat tamen rationem, quam prosequimur, et præterea rejicienda est tanquam supervacanea, et gratis conficta, multiplicat enim qualitates sine fundamento vel experientia ulla, nam emanatio accidentis ab intrinseca forma non indiget alio accidente intermedio, alias procederetur in infinitum. Item, quia repugnat dari in elementis alias qualitates priores primis; sunt autem, teste Aristotele, primæ qualitates elementorum formalis calor, frigiditas, etc. Unde licet fortasse in multis interdum detur qualitas virtute continens calorem, aut frigus, illa tamen et est posterior temperamento primarum qualitatum connaturali mixta, et non est ad intrinsecam dimanationem primarum qualitatum in eodem subjecto, sed ad efficiendum propria actione in extrinseca subjecta. Aliter potest intelligi illa responsio, ita ut intendat e medio auferre formam substantialem, et loco illius ponere qualitatem. In hoc autem sensu intellecta, facile refutatur, quia illa qualitas immediate et per se non sentitur, sed ex hoc effectu naturalis dimanationis dignoscitur; quo ergo fundamento dicitur, illud internum principium esse qualitatem accidentalem, et non formam substantialem? Item illud principium est primus actus materiae, complens cum illa hoc ens naturale, quod aquam appellamus; ergo est actus substantialis, et non accidentalis. Item, illa forma non solum est radix frigoris, sed etiam humiditatis, densitatis, et aliarum proprietatum quas elementum aquæ requirit; nam de illis potest fieri idem argumentum, quod si per actionem contrariam ab illo naturali statu, quem aqua

² Javel., 8 Metaph., q. 9.

postulat, immutentur, statim ac contrarium recedit, ad naturalem statum revertuntur; ergo habent aliam priorem formam, a qua derivantur, quæ immutata maneat; ergo vel singulis respondent singulæ formæ radicales (ut ita dicam) aut virtuales, quod natura abhorret, et est omnino superfluum, vel est una forma, in qua omnes illæ proprietates radicantur et quasi colligantur, quod est verissimum; ergo illa forma non est accidentalis, sed superioris ordinis. Est ergo forma substantialis, a qua talis reductio provenit, ut communis habet sententia, Avicen., lib. 1 Suffic., c. 5; Sonein., 9 Metaph., q. 8; Soto, 2 Physic., q. 1, et aliorum.

12. Atque hinc sumi potest aliud indicium, quod est confirmatio præcedentis, nam fere evidenti experimento constat etiam in his rebus inanimatis aut elementis, corruptionem substantialem esse distinctam ab alteratione; loquor in specie de inanimatis, ut a fortiori sit inducio universalis; quoniam in rebus animatis est res evidentior, ut patebit. Experimur itaque, alterationem, ut, verbi gratia, calefactionem aquæ, aut ferri, interdum esse adeo vehementem, ut intensissimus calor in eis sentiatur, et nihilominus si actio contraria agentis cesseret, res illæ manent vel integræ, vel fere integræ in substantia sua, et facile etiam ad accidentalem statum revertuntur; interdum vero adeo procedit alteratio, ut omnimoda transmutatio rei fiat, ita ut quamvis removeatur agens, nunquam possit passum illud ad pristinum statum redire, neque priores actiones aut similia accidentia recuperare; interdum etiam in viuore substantiam sensibilem, ut cineres, scoriam, etc., mutatur; nonnunquam vero omnino consumitur insensibiliter, quia in aliud corpus subtilius et insensibile transformatur; ergo signum evidens est alterationem interdum esse puram, et manere intra latitudinem mutationis accidentalis, interdum vero habere conjunctionem majorem rei mutationem. Hæc autem non potest esse alia, nisi quia ipsum substantiale compositum dissolvitur, recedente forma substantiali; dantur ergo substantiales formæ. Probatur ultima subsumptio, quia si tota substantia rei semper maneret aequa integra, quantumcunque procederet alteratio, ipsa de se semper haberet eamdem habitudinem ad accidentia; ergo vel semper post quamcunque alterationem maneret quieta sub quibuscunque accidentibus, quantum esset ex se, et remoto contrario

agente, vel certe remotis eisdem agentibus semper rediret ad eadem accidentia.

43. Et confirmatur hæc ratio, nam vide-mus quædam accidentia esse ita inseparabili-a ab aliquibus subjectis, ut si illa auferan-tur, vel nimirum diminuantur, omnimoda trans-mutatio fiat in subjectis, ita ut non possint per intrinsecam vim ad pristinum statum redire; ergo illa inseparabilitas provenit ex con-nexione talium accidentium cum aliquo prin-cipio interno talium rerum. Quod non po-test esse materia prima, seu illud primum subiectum, quod manet sub omni transmu-tatione, quia respectu illius nullum est acci-dens inseparabile, ex his quæ possunt per al-terationem acquiri vel amitti. Neque etiam illud principium potest esse aliquod accidens, si sit sermo de primo et radicali principio; nam, licet unum accidens sit inseparabile respectu alterius, ut raritas respectu caloris, vel albedo respectu talis temperamenti pri-marum qualitatum, illud tamen tempera-mentum est inseparabile ab alia priori forma naturæ suæ relicta; sistendum ergo necessa-rio est in aliqua forma, quæ sit prima res-pectu accidentium inseparabilium; illa ergo est forma substantialis et non accidentalis, cum constitutat propriam essentiam, cui pro-prietates accidentales connaturaliter et inse-parabiliter insunt.

44. Subordinatio proprietatum inter se in-dicium formæ substantialis. — Tandem for-mari potest ex hoc indicio alia ratio, quia in uno ente naturali multæ proprietates con-junguntur, quæ interdum ita sunt inter se subordina-tæ, ut una ab altera oriatur, ut voluntas ab intellectu; interdum vero inter se non habent subordinationem, ut calor et hu-miditas in aere, albedo et dulcedo in lacte, vel plures sensus in animali; ergo hæc mul-titudo et varietas proprietatum, præsertim quando posteriori modo se habent, requirit unam formam, in qua omnes uniantur; alio-qui essent mere accidentaliter congregatae in eodem subiecto, et una omnino sublata, non prop'erea recederet alia; at oppositum constat experientia; ergo signum est, talia accidentia in tali numero, pondere, et men-sura in tali subiecto et ente requisita, non habere illam connexionem respectu solius primi subiecti, seu materiæ primæ, sed re-spectu alieujus compositi, quod ratione for-mæ illum accidentium inter se ordinem re-quirit. Soletque hæc ratio specialiter confir-mari in corporibus mistis, in quibus vide-

mus accidentia contraria ad certos gradus redacta in eodem mixto conservari; id autem non potest provenire ex ipsis qualitatibus, ut per se satis constat, cum potius na-tura sua pugnet. Neque etiam provenit a causa extrinseca, neque a materia, ut facile patet; ergo oportet ut proveniat a forma. Verumtamen hæc confirmatio vel nullam omnino habet vim, vel non est distincta ra-tio a præcedentibus, nam quatuor qualita-tes primæ ad eam tempericem redactæ, in qua possint simul esse in eodem subiecto, ut in eo perpetuo conserventur in eodem statu, non indigent alia interna causa vel principio, sed sola remotione extrinseci agentis cor-rumpentis, quia illæ qualitates in eo gradu constitutæ, nec sunt proprie contrariæ, ne-que possunt inter se habere actionem; imo, si eam habere possent, non posset forma substantialis eam impedire aut conciliare. Quo fit ut in viventibus, etiam in homine, ubi forma est maxime una, non possit impe-dire actionem inter partes heterogeneas, quia, licet in singulis partibus qualitates sint ita tem-peratæ, ut inter se consentiant respectu sui proprii subiecti, non vero sunt ita tem-peratæ respectu qualitatum alterius partis dis-similis. Ex hac ergo conservatione tempera-menti, ex contrariis qualitatibus constante, præcise sumpta, non infertur forma substan-tialis. Infertur tamen optime ex eo quod in hujusmodi temperamento non solum per-mittuntur (ut ita dicam) qualitales manere in eo gradu, sed etiam in eo ita connectuntur, et ita illum requirunt, ut si altera earum extrin-secus vel augeatur, vel minuatur, remoto extrinseco agente, statim ad priorem propor-tionem temperamentum redeat, quod maxi-mæ cernitur in animalibus; hoc ergo est si-gnum evidens esse tale temperamentum ali-eujus formæ, in qua illæ qualitates con-nectuntur. Hoc autem signum coincidit cum illo de reductione rei ad naturale statum.

45. Quod res unum intense agens, in alio-rum actione remittatur, signum substan-tialis formæ. — Ultimo confirmatur hæc ratio alio indicio, sumpto ex actione quarundam re-rum naturalium; experimur enim rem ali-quam habentem plures operandi facultates, dum intense per unam operatur, impedi-ri ne per aliam operari possit, aut ne cum tan-to conatu; ergo est signum illas facultates esse subordinatas eidem formæ, quæ per eas principaliter operatur; nam si nullam subordi-nationem inter se haberent, neque cum aliquo

communi principio, quælibet earum haberet suam operationem independenter ab alia, neque esset ulla ratio cur conatus unius im-pedire conatum alterius magis quam si es-sent in diversis subjectis; at vero ex subordi-natione ad eamdem formam redditur optima ratio, quia cum illa sit finitæ virtutis, dum intense applicatur ad unam operationem, distrahitur ab altera, et tanto conatu potest uni incumbere, ut ibi exhauriatur ejus virtus. Antecedens declaratur ab aliquibus, in rebus seu agentibus naturalibus, que dum intense agunt ad vincendum contrarium, sese non possunt omnino tueri, quin aliqua ex parte vincantur vel patientur a contrario. Verumtamen hæc experientia de repassione agentium naturalium non provenit ex subordi-natione plurium facultatum ad unam formam, sed ex eo quod res non est semper æque po-tens ad resistendum, ac est ad agendum. Un-de etiam ferrum calidissimum, dum calefacit aquam, ab ea reputatur, quamvis forma ferri nihil prorsus ad illam actionem conferat; imo ibi non intercedunt operationes diversarum facultatum, sed actio unius qualitatis, scilicet caloris, et passio eidem aliqua ex par-te contraria, quæ ex eo provenit, quod calor non est tam potens ad resistendum, sicut ad agendum. Quocirca in rebus inanimatis vix credo posse inveniri experimentum aliquod, quo illud antecedens probetur, quia in actionibus accidentalibus, quæ a vita non proce-dunt, non videtur proxime intercedere aliquis concursum formæ substantialis, ratione cuius remittatur actio unius facultatis ex conatu al-terius. In viventibus autem, et præsertim in nobis, experimur manifeste hujusmodi effec-tum; interdum enim interior cogitatio atten-ta impedit ne res etiam præsentes videamus; imo et actionem nutritivæ partis impide-re solet diurna meditatio. Neque refert, si quis dicat hoc provenire ex concursu spirituum vitalium, qui necessarii sunt ad operationes harum facultatum, et dum ad unam con-fluent, aliam destituant: tum quia ipsem et concursus spirituum vitalium ad unam facul-tatem potius, quam ad aliam, est signum unius formæ utentis ipsis spiritibus et facul-tatibus ad duas actiones, alias nulla esset ra-tio cur spiritus magis ad unam facultatem confluenter, quam ad aliam; tum etiam quia intellexualis operatio non fit mediis spiritibus, et tamen conatus et attentio ad illam impedit inferiores actiones. Nec potest hoc tribui cooperationi phantasiæ, quæ requirit

spirituum concursum; nam intellectualis at-tentio, præsertim si sit vehemens, et circa res superioris ordinis, etiam ipsam phantasiæ ac-tionem valde minuit; ergo non provenit ex spiritibus, sed ex occupatione ejusdem animæ circa aliquam operationem.

Formæ substantialis cause ipsam clare ostendunt.

46. Substantiale formam esse non repu-gnat. — Tertia ratio principalis reddi potest a priori ex propriis causis formæ substancialis, quæ sunt finalis, efficiens et materialis; nam formalem non habet, cum sit ipsam et forma; unde ex ipsa nulla potest sumi posi-tiva ratio. Possumus tamen supponere, ex parte ejus nullam esse repugnantiam, quod tale genus entis vel substantiae incompletæ detur in rerum natura; quæ enim repugna-tia in hoc fingi aut excogitari potest? Item, quia non repugnat dari in rerum natura actus substanciales supremi ordinis, qui sint sub-sistentes, et non informantes, ut Angeli, et actum substancialis medii ordinis, qui simul sit subsistens et actuans seu informans, ut de anima rationali dictum est; ergo non repu-gnabit dari actus substanciales infimi ordinis, id est, qui sint actus actuentes, et non integre subsistentes, et hos vocavimus formas substanciales. Item, vel repugnaret talis actus, quia actus est, vel quia substancialis est, vel quia hæc duo in eadem re conjungi repu-gnat; nihil horum potest cum probabilitate dici: ergo nec repugnat dari substancialis formam quantum est ex parte ejus. Quod si ex parte ejus non repugnat, statim facile probabitur, ex aliis causis, vel non repugnare, vel etiam esse necessariam. Duæ primæ par-tes primi antecedentis per se notæ videntur. Prima quidem, quia per se notum est dari in rebus entitatis, quæ sunt actus et perfectio-nes aliarum; sic enim candor est actus albi, et intellectio intelligentis. Secunda vero, quia etiam est per se notum dari in rebus entitatis substanciales, cum haec sint aliarum omnium fundatum. Probanda ergo superest tertia pars, quod nimis has duas proprietates seu rationes in eadem entitate conjungi non repugnet; hoc autem patet, tum quia nihil in altera illarum rationum assignari potest, quod cum altera intrinsece repugnet; tum etiam quia ratio actus ex se perfectionem di-cit; ergo si illi non repugnat conjungi cum esse accidentalis, cur repugnat cum substanciali copulari? tum denique quia, cum ratio